

جریدہ علیہ

مہینہ جلیلہ اسلامیکہ جریدہ رسمیه سیدر

رجب سنہ ۱۳۴۰

عدد ۷۳

شماره آیدہ بر نشر اولور

برخی سنہ

فتاویٰ شریفہ

فسخ نکاح

ہند فقیرہ نک زوجی زید غائب اولوب نفقہ نک تحصیلی متعذر اولدقدہ پادشاہ اسلام مدالہ تعالیٰ ظاہ علی مفارق الانام حضرتلری بومشئلہ دہ مصلحت ناسہ ارفق اولسی ملاحظہ سنہ بناء مذهب خبلی اوزرہ قاضینک فسخ نکاح ایتسیلہ حکمہ امر بیورمش اولملرینہ مبنی ہندک طللیلہ قاضی فسخ نکاح ایتسکہ قادر اولورمی : الجواب اولور .

* *

ہندک زوجی زید آخر دیارہ کیتد کدنصکرہ عمر وکلوب زید فوت اولدی دیو ہندہ اخبار ایلسہ عمرو عدل اولوب ہند اینایحق بعدانقضاء العده نفسی آخرہ تزویجہ قادردہ اولورمی : الجواب اولور .

* *

طلاق

زید فلان فعلی ایشلر سم زوجہم ہند اوچ طلاق بوش اولسون دید کدنصکرہ زید اول فعلی ایشلسہ ہند زیددن اوچ طلاق بوش اولورمی : الجواب اولور .

* *

شرط اولسون دیمک عورتہم بوش اولسون دیمک معناسنہ متعارف اولان بلدہ اہالیسندن

زید زوجه مدخول بهالری هند و زینه خطاباً اوچدن طقوزه قدر شرط اولسون بندن
یوشسکنز دیسه مزبورهلر اوچر طلاق بوش اولورلرمی : الجواب اولورلر .

* *

عدت

زید زوجه سی هند حاملی تطلیق ایتدکده هندك عدتی وضع حمل ایله منقضیه اولورمی :
الجواب اولور .

* *

حضانة

هند صغیره نك حق حضانة سی لابوین عمه سی زینك اولیوب لاب قرنداشی خدیجه نك
اولورمی : الجواب اولور .

* *

نفقة

هند معسره نك زوجی زید دخی معسر اولدقده هندك زوج آخردن اولان اوغلی
عمرو موسر اوزرینه نفقه سی لازمه اولورمی : الجواب اولور .

* *

بوصورتده بعدذا زید موسر اولدقده عمرو نفقه یه اولان مصروفیله زیده رجوعه قادر
اولورمی : الجواب اولماز .

* *

زوجی اولیان هند فقیره نك لابوینی ار قرنداشی اوغلی زید موسردن غیری کسنه سی
اولماسه هندك نفقه سی زید اوزرینه لازمه اولورمی : الجواب اولور .

* *

مراجعة

زید عمر وه معامله قصدیه ویردیکی آقچه سی ایچون عمروك اوزرینه برسنه تمامنه دك
شوقدر آقچه الزام ربح ایدوب سنه تمامنده ربح مرقومی عمرودن آلدقده نصرکه اصل مال
ایکی سنه عمروك ذمتنده قالوب الزام ربح اولماسه زید سنه سابقه ده اولان الزام ربح
کفایت ایدر دیو الزام ربح اولنمیان سسنهلر ایچون عمرودن ربح نامنه نسنه آلمغه قادر
اولورمی : الجواب اولماز .

* *

هبه

زید معتوه عثمی حالنده ملک منزلی زوجہ سی ہندہ ہبہ و تسلیم ایلسہ ہبہ منبورہ صحیحہ اولورمی : الجواب اولماز .

* *

مرور زمان

زید ہندہ ایلہ علی الاشتراک طاہو ایلہ متصرف اولدینی تارلانی یکرمی سنہ تغلبا مستقلا ضبط و تصرف ایلسہ حالا ہند اول تارلادن حصہ سی زیددن طلب ایتدکدہ زید معترف ایکن مجردوجہ مجرر اوزرہ یکرمی سنہ ضبط ایتملہ بنم ایچون حصہ کدہ حق تصرف ثابت اولمش اولور دیوب ویرمامکہ قادر اولورمی : الجواب اولماز .

* *

وصیت

زید فوتمدن صکرہ اوغلمک اوغلی عمروہ بر اوغل حصہ سی کبی حصہ ویرلسون دیو وصیت ایتدکدن صکرہ زید مصرافوت اولوب زوجہ سی ہندی و اوغلی بکری ترک ایتدکدہ منبورلر وصیتی مجیز اولسلر ترکۂ زید اون بش سہمدن اولوب بر سہمی ہندہ یدیشر سہمی عمروہ و بکرہ ویرلسہ صحیح اولورمی : الجواب اولور .

* *

زید فوتمدن صکرہ قزیمک اوغلی عمروہ بر اوغل حصہ سی کبی حصہ ویرلسون دیو وصیت ایتدکدن صکرہ زید مصرافوت اولوب زوجہ سی ہندی و لاہون عمی بکری ترک ایتدکدہ منبورلر مجیز اولسلر ترکۂ زید اون بش سہمدن اولوب ایکی سہمی ہندہ یدی سہمی عمروہ آلتی سہمی بکرہ ویرلسہ صحیح اولورمی : الجواب اولور .

کتبہ الفقیر طرسوسی زادہ
محمد نوری مدنی
عفی عنہما

